

**ხელშეკრულება
სახელმწიფო შესყიდვების შესახებ №54**

ქ. თბილისი

4 ივლისი 2016 წელი

ერთი მხრივ, ახმეტის მუნიციპალიტეტის კულტურის ცენტრი (შემდგომში "შემსყიდველი"), წარმოდგენილი დირექტორის კაზა მამულაშვილის სახით და მეორეს მხრივ, შპს "სოკარ ჯორჯია პეტროლეუმი" (შემდგომში "მიმწოდებელი"), წარმოდგენილი შპს "სოკარ ჯორჯია პეტროლეუმი"-ს იურისტის კახაბერ გოგოლაძის სახით - (პ/ნ 01006008662, თანახმად 14.04.2016 წლის მინდობილობის დამოწმებული ნოტარიუსს ნ. კაკოჩაშვილის მიერ (მინდ. #71593758028816, რეგ. #160381734)) "სახელმწიფო შესყიდვების შესახებ" საქართველოს კანონის 101-ე მუხლის ,,ბ" ქვეპუნქტის საფუძველზე, კანონმდებლობით დადგენილი წესის შესაბამისად, სახელმწიფო სახსრების რაციონალური ხარჯვის პრინციპის გათვალისწინებით ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1 "ხელშეკრულება სახელმწიფო შესყიდვების შესახებ" (შემდგომში - "ხელშეკრულება") შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე. აქედან ერთი ეგზემპლარი გადაეცემა მიმწოდებელს, ერთი - შემსყიდველს.
- 1.2 "ხელშეკრულების ღირებულება" - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3 "დღე", "კვირა", "თვე" - კალენდარული დღე, კვირა, თვე.
- 1.4 "შემსყიდველი" - ორგანიზაცია რომელიც ახორციელებს შესყიდვას.
- 1.5 "მიმწოდებელი" - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 "საქონელი" - ხელშეკრულების მე-2 მუხლით გათვალისწინებული ხელშეკრულების საგანი.
- 1.7 კლასიფიკატორი - CPV-09132100-არაეთილირებული ბენზინი,

2. ხელშეკრულების საგანი

- 2.1 200(ორასი) ლიტრი ბენზინი **კვ. ხაქიძე** (A92) (შემდგომში "საქონელი") შესყიდვა. (სახელმწიფო შესყიდვების სააგენტოს თავმჯდომარის განკარგულება №1140, SMP150000444) (შესყიდვები სააგენტოს ნებართვა №2319)

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს: 308 (სამასრვა) ლარი.
- 3.2. 1 (ერთი) ლიტრი ბენზინი **კვ. ხაქიძე** ფასია: 1.54 (ერთი ლარი) და 54 თეთრი.
- 3.3. ხელშეკრულების ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დ. გ. -ს აგრეთვე საწვავის მიწოდებასთან დაკავშირებულ ყველა თანამდევ ხარჯს, მათ შორის საწვავის შენახვის ხარჯებს ავტოგასამართი სადგურებიდან მის გაცემამდე.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.
- 4.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული საქონლის მიწოდების შემდეგ ხელმოწერილი მიღება-ჩაბარების აქტისა და სპეციალური საგადასახადო ანგარიშ-ფაქტურის საფუძველზე.
- 4.3 მიმწოდებელთან ანგარიშსწორება განხორციელდება შემსყიდველის მიერ საწვავის ტალონების მიღება-ჩაბარების აქტზე ხელმოწერიდან 1 (ერთი) კალენდარული დღის ვადაში.

5. საქონლის მიღება-ჩაბარების წესი

- 5.1 საქონელი ან მისი ნაწილი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდგომ.

6. საქონლის მიწოდების ადგილი და ვადა

- 6.1 საწვავის მიწოდებას მიმწოდებელი უზრუნველყოფს ტალონური/საბარათე სისტემით, მიმწოდებლის ავტოგასამართი სადგურების ქსელის მეშვეობით. საწვავის ტალონების მიწოდება განხორციელდება მისამართზე: ქ. თბილისი, ი. ჭავჭავაძის გამზირი 56,58.
- 6.2 მიმწოდებელი ვალდებულია, შემსყიდველის (როგორც წერილობითი ასევე ზეპირი) მოთხოვნიდან 2 (ორი) დღეში დაამზადოს და მიღება-ჩაბარების აქტის საფუძველზე გადასცეს შემსყიდველს (მის მიერ უფლებამოსილ პირს) მოთხოვნილი რაოდენობის საწვავის ტალონები (10, 20 ან 50 ლიტრიანი ტალონის ნომინალით) ტალონის გადაცემის შემდეგ მათი დაკარგვის, დაზიანების ან განადგურების რისკი გადადის შემსყიდველზე, ამასთან უკვე გაცემული ტალონები არ ექვემდებარება დაბრუნებას ან სხვა სახეობის საწვავის ტალონებზე გადაცვლას. ყოველ ტალონზე აღნიშნული უნდა იყოს: მიმწოდებლის ლოგო წარწერით „სოკარი“, ტალონის ნომერი, საწვავის სახეობა, საწვავის რაოდენობა.
- 6.3 შემსყიდველისათვის გადაცემული ტალონები აკტიურდება დამათიგამოყენება შესაძლებელი იქნება მხარეთაშორის ტალონების გადაცემის თაობაზე მიღება-ჩაბარების აქტის გაფორმებისთანავე. ამასთან, შემსყიდველს არაქვს უფლებამოსილობა დაკარგული ტალონების სანაცვლოდ ახალი ტალონების ან/და საწვავის გაცემა.
- 6.4 ავტოგასამართ სადგურზე ტალონების წარმოდგენისთანავე შემსყიდველი ან მისი წარმომადგენელი ვალდებულია უზრუნველყოს შესაბამისი ტევადობების ან/და ჭურჭლის წარმოდგენა. ტალონებზე საწვავის გაცემისას ტალონის აწილობრივი განადგურება ან/და ხურდის დაბრუნება არ დაიშვება.
- 6.5 მიმწოდებელი უფლებამოსილია დროებით (არაუმეტეს 1,5 საათისა) შეაჩეროს საწვავის გაცემა მათუი მავტოგასამართ სადგურზე საწვავის მიღების დროს დამიღების შემდეგ, რათა უზრუნველყოფილ იქნას პერსონალის დამოუკიდებელი უსაფრთხოება და საწვავის სათანადო ხარისხი.
- 6.6 საწვავის ტალონების მიწოდება განხორციელდება 2016 წლის 31 ივლისის ჩათვლით.

7. მხარეთა უფლება-მოვალეობანი

- 7.1 შემსყიდველს უფლება აქვს:
- 7.1.1. შეამოწმოს მიწოდებულის საწვავის შესაბამისობა ხელშეკრულებით გათვალისწინებულ პირობებთან;
 - 7.1.2. უარი თქვას უხარისხოს საწვავის მიღებაზე.
- 7.2 შემსყიდველი ვალდებულია:
- 7.2.1. წერილობით აცნობოს მიმწოდებელს საწვავის მიწოდებასთან დაკავშირებული ყველა განსაკუთრებული გარემოების შესახებ;
 - 7.2.2. მოახდინოს ან გაარიდოს წორება მიმწოდებელთან ხელშეკრულებით გათვალისწინებული პირობების შესაბამისად;
 - 7.2.3. დაიცვას ხელშეკრულების სხვა პირობები.
- 7.3. მიმწოდებელს უფლება აქვს:
- 7.3.1. მოსთხოვოს შემსყიდველს მიწოდებულის საწვავის ღირებულების ანაზღაურება ხელშეკრულებით გათვალისწინებული პირობებით.
- 7.4. მიმწოდებელი ვალდებულია:
- 7.4.1. გააფრთხილოს შემსყიდველი საწვავის მიწოდების პროცესში შეფერხების შესახებ;
 - 7.4.2. დაიცვას ხელშეკრულებით გათვალისწინებული ყველა პირობა.

8. ხელშეკრულებით ნაკისრი ვალდებულებების შესრულების ინსპექტირება

- 8.1 შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს (კონტროლი) ინსპექტირება, რომლის მიზანია საქონლის შესაბამისობი დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 8.2 ხელშეკრულების 8.1 პუნქტით გათვალისწინებულ (კონტროლს) ინსპექტირებას განახორციელებს შემსყიდველის შესაბამისი უფლებამოსილი წარმომადგენელი.

9. პირგასამტეხლო ხელშეკრულების პირობების შეუსრულებლობისათვის

- 9.1 ხელშეკრულებით ნაკისრი ვალდებულების შეუსრულებლობის, ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე დროულად მიუწოდებელი საწვავის ღირებულების 0,1%-ის ოდენობით;
- 9.2 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, დროულად გადაუხდელი თანხის 0.1% ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.
- 9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 3 (სამი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება, პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებებში ცვლილებების შეტანა და ხელშეკრულების შეწყვეტა

- 10.1. მიმწოდებლის მიერ შემსყიდველისაგან საწვავის ყოველი მიწოდების თაობაზე მოთხოვნის (წერილობითი ან/და ზეპირი) მიღებისას, მხარეები ვალდებული არიან მიმწოდებლის მიერ საწვავის მოთხოვნის მიღების დღისათვის არსებული მონაცემების გამოყენებით მოახდინონ ფასების გადანაწილება, ამ მუხლით განსაზღვრული წესით და თუკი ადგილი ექნება 10.1 პუნქტში მითითებული ფასების შეცვლის საფუძველს, შემდგომში წერილობითი შეთანხმებით გააფორმონ ახალი ფასები. თუ ამ საფუძველს არ ექნება ადგილი, ძალაში დარჩება მხარეებს შორის ბოლო შეთანხმებული ფასი. ფასი ძალაში დარჩება გადანაწილებიდან 3 (სამი) სამუშაო დღის ვადით. თუკი შემსყიდველი აღნიშნულ ვადაში არ მოახდენს საწვავის შესყიდვას, გადანაწილებული ფასები კარგავს ძალას და შემსყიდველი ვალდებული იქნება ხელახლა წარმოუდგინოს მიმწოდებელს საწვავის მოთხოვნის შესახებ განაცხადი.
- 10.2. ფასის შესაძლო ცვლილების შესახებ მეორე მხარის გაფრთხილება ან რაიმე სახის შეტყობინების გაგზავნა სავალდებულო არ არის.

11. დავები და მათი გადაწყვეტის წესი

- 11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით.
- 11.2 შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

- 12.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს მხარეთა მიერ ნაკისრი ვალდებულებების სრულად შესრულებამდე- 2016 წლის 30 ივნისამდე.

შემსყიდველი

მიმწოდებელი

ახმეტის მუნიციპალიტეტის კულტურის ცენტრი ახმეტა, ჩოლოყაშვილის ქ. 49 ს/კ 224631423 ახმეტის მუნიციპალიტეტის კულტურის ცენტრის  დირექტორის მ/შ ნუგზარ ალხანაშვილი	შპს „სოკარ ჯორჯია პეტროლეუმი“ 300 არაგველების ქ. 24 საიდენტიფიკაციო კოდი: 202352514 საბანკო რეკვიზიტები: სს „საქართველოს ბანკის“ ცენტრალური ფილიალი ბანკის კოდი: BAGAGE22 ანგარიშის ნომერი: GE02BG000000233446600 ტელ.: 249 97 57 იურისტი კახაბერ გოგოლაძე 
---	--